

平樂府志卷十八

名宦部

宦績

總督

明

譚綸字子理宜黃人隆慶元年總督兩廣軍務兼巡撫隆慶時荔浦永安之間亂者四起綸檄總兵俞大猷咨進剿計籌畫甚悉事甫就緒而北邊告急徵還部

陳金字汝礪應城人徙武昌父琳廣西僉事正德初以右都御史總督兩廣軍務時金以兩廣用兵

平樂府志

卷十八

宦績

一

全資鹽利而鹽利之徵不取之於竈惟取之於商乃復其舊規行之官商稱便府江賊爲患金奏移平樂守備官於昭平增撥民款弓兵哨守巡邏而於沿江之地凡可通賊行者或塞以木石或開掘深阱調柳州慶遠田州三府壯勇士兵三四千人分耕沿江荒田擇素有謀勇者爲總小甲以羈束之數年後或設長官司或設巡檢司令其分番耕守而罷民款弓兵兵部議上詔令鎮巡官皆如所
□ □

熊繡字汝明寧遠人正德元年擢右都御史總督兩廣軍務兼巡撫事既抵鎮盡裁幕府供億秋毫

無所取二年與總兵官伏羌伯毛銳討平賀縣猺
獞召掌南京都察院事

曾存仁字懋遠吉水人嘉靖間廣西叅政富川荔
浦山路斗絕與諸獠錯處使者數十年不敢入其
境存仁叱馭往賀邑文林姜七兩鄉爭田積歲不
能治存仁履畝畫界其囂始息兩江數經兵火田
棄不耕者萬餘畝存仁行視其處督附近官吏及
時召募開墾且度其受水多寡爲石隄以修旱澇
修學宮置弟子員人知向學焉

朱英字時傑桂陽人成化中總督兩廣英繼韓雍
之後值兵荒民多橫死數百里無煙火府庫虛耗

英竭力招徠下令撫輯猺獠各安生業

舊志

約飭將

士毋得妄請用兵猺獞効順者定爲編戶給復三
年馬平陽朔蒼梧蠻望風悉附而荔浦賊李恭著
有衆數萬久負固至是遣子納款爲置永安州處
之其子孫世吏目十九年桂林平樂蠻攻城殺將
英與總兵陳政分兵十二道擊之英清介自持僅
携一蒼頭之官雖威望不及雍而惠澤過之

明史本傳

參議

明

謝綬字維章樂安人成化十一年官廣西參議會
荔浦猺獞叢起綬乘機率師圍於桂山巖同事欲

屠之賴綬以全活者萬計請設永安州事聞獎賞

省志

張九達號天衢大庾人宏治己未進士正德乙亥以參議分守廣西右江丙子征府江總督陳金以兵三萬檄九達將之屯於府江之深塹據賊要害凡督戰數十皆克捷俘斬無算

兵備道

明

吳善字元夫福建龍溪人永寧兵備萬歷初府江獠叛平樂兵又告變善簡率將吏親入險阻悉平之嶺表一清

平樂府志

卷十八

宦績

三

伍箕安福人進士嘉靖七年府江兵備副使時獠夷出沒爲民患箕詣縣親問疾苦多向化者治臨賀城宏壯堅密又爲富川濬城壕葺門樓規制稱雄麗云

吳元璧安仁人進士嘉靖三十八年府江兵備副使雅意人才集諸生爲文親改竄焉時恭城學宮移建未就力修葺之又親帥師平三峒之寇縉紳競爲詩歌侈其事

許應元字子春錢塘人嘉靖中累遷廣西按察副使獠夷數侵掠應元爲上三議曰責田主嚴罰格更旗軍大畧主守隘護田使蠻無所奪食以自困

也又攝兵府江獐莫氏兄弟者以驍勇稱憑險嘯聚爲鄉邑害應元設方畧誅之江道底寧錢鐸字振之號南浦正德辛巳進士嘉靖間以副使飭兵府江府江荔浦諸郡縣三洞寫窅萬山巉嶮蠻鹵猺醜怙險積毒民病焉鐸輸以悃愾諭以利害嚴以偵邏威以勁兵於是乎悟者歸命悍者竄伏且生得大憝十人戮之以徇土人謂三十餘年無此績也

陸長庚字元白浙江平湖人萬歷中分守桂平道猺首韋扶仲盤花婁擾府江出沒荔浦大殺掠時用兵進剿費餉十三萬長庚力請總督撤兵且曰

願勿中制事成不敢居功遂畱兵三千守荔浦城餘盡撤賊果懈防守乃密與副總兵童元鎮定謀夜率兵至白馬冲襲獲其妻女募猾猺十人誘扶仲出劫遂墮伏中力戰遁去荔浦兵已扼其歸路分道要擊擒之盤花婁亦授首餘黨聽撫八寨等諸路悉平長庚賜金綺晉爵一級

楊寅秋字羲叔江西泰和人萬歷中遷廣西副使擊叛獐韋公成等定五山又擊叛猺黃朝田等定府江先是交趾黎莫構誑貢道久絕廷議勦之寅秋獨主綏輯黎果來款左江鳴吠不驚邑人相率祠報之後以疾卒撫按交疏請卹其畧云交南折

華之勲方之銅柱府江破竹之烈過於金城詔贈太僕卿

陳應春字汝和長樂人進士萬歷六年府江兵備副使時兩岸三崗八屯諸賊後先就平而樊屯獷悍如故乃立太平平安二堡移兵扼其要隘以計禽其酋廖公蠻張金祿等五十人斬之又攻古連苦竹石鼓弔巖皆克之斬首二百六十級首賊覃萬祿等俱伏誅乃宣諭許其投款於是各縣巨酋如北院黃連寶中屯黃公相李公義黃崗周平安通津韋扶求南源韋王七勢江俸百三相率來歸計二百三十七村五千一百九十六家男婦二萬

二千六百二十有八編戶輸賦若齊民事聞擢右參政兼僉事仍飭兵府江

府江道

宏治九年設嘉靖二十八年始專管府江萬歷八年始介巡平樂康熙六年裁

張吉字克修餘千人成化間爲主事劾李孜省左遷後守梧州以清惠稱遷副使備兵府江時江道爲梗吉相機治之緩則繕戍急則剿殺諸猺蠻嚙指相戒無輕犯云議城廣運足灘昭平三鎮上都御史劉大夏如所議廣運城成擢憲使後擢布政使舊志備兵府江申教令嚴武備察奸吏擇將領次第兼舉推誠御下以意創鴛鴦銃偏架弩教士練習沿江山盤林翳設謀控制使賊不得藏伏又以

府江東西二賊爲犄角而東賊驍悍尤甚遂併力於東數月之間斬獲甚衆由是西賊聞之亦皆自戢府江以寧

鄭岳莆田人正德三年任兵備副使時諸獠乍叛乍服情態叵測岳謂治外當自治內始於是視郡城樓櫓圯壞者亟葺完之次及宛邑立府江廣運足灘二堡亭障畢具民賴以安枕云

張祐鉛山人正德十年以兵備副使在府江府江故多寇富賀間尤劇疆域遼濶禁網寢踈祐每以輜車巡下邑戢寇安民會荔浦寇起親部兵督戰俘馘以數百計乃修恭城縣城建富川守禦所築

鐘山鎮城葺廣運足灘二堡飭邊固圉郡邑賴之

舊志

李如圭澧州人嘉靖初任府江兵備副使以名節風勵邊俗時獠賊猖獗征剿之暇加意學校嘗於道中見井欄石有異亟命滌之乃宋道鄉書院殘碑也書院久廢莫有知遺扯者公曰此鄒忠公之靈實命我矣遍求斷碑得數片貯學宮作詩紀其事遂興復書院

茅坤字鹿門歸安人由進士歷府江兵備嘉靖間北獠入城殺縣令劫官庫大肆焚掠勢莫能當公請於督撫力陳其當伐之辜遂下令許以便宜從

事公部領七哨約都指揮密搗鬼仔莊頭諸穴大破之斬獲五百有奇陽朔始得安生皆公之力也民立祠以祀之舊志 猺賊據鬼仔諸砦殺陽朔令朝議大征總督應檟以問坤坤曰大征非兵十萬不可餉稱之今猝不能集而賊已據險爲備計莫若鷗勦入殲其魁他人必讐謀自全計檟善之悉以兵事委坤連破十七砦明史本傳

郭應聘遷都御史府江猺反上起陽朔下達昭平亘三百餘里諸猺夾江居怙險剽劫成化正德間都御史韓雍陳金討平之至是攻圍荔浦永安劫知州楊惟執指揮胡湖事聞大學士張居正奏假

便宜寓書應聘曰炎荒瘴癘驅役數萬衆不宜淹留速破其巢則餘賊破膽應聘集土漢兵六萬令總兵官李錫進計未行而懷遠猺亦殺知縣馬希

武反應聘與正茂議先征府江三閱月悉定明史本傳

吳文華字子彬父世澤府江兵備副使有威名萬歷三年文華以右副都御史巡撫廣西討平南鄉陸平周塘板寨猺及昭平賊明史郭應聘傳 昭平賊黎福

莊父子聚衆剽掠執孝廉歐鳴鑾索贖聞公至懼釋之會督府徵兵討羅劬兵盡東公陰留三千人

屬裨將文啟掩擊之斬福莊乘夜攻下五指白冒諸崗隨招撫餘黨二萬餘人卽其地建營堡二十

一得田二萬六千餘畝文隆慶初兵備廣西歷陞
巡撫會柳慶諸巢韋金線等憑險聚嘯而昭平上
下四屯其黨尤劇公後先平之斬獲無數諸蠻相
戒莫敢犯者及繼郭應聘總督事事裁省而濟以
寬和在鎮三年文武將吏無載金帛以行盜賊起
旋卽誅滅府江懷賀及右江北三北五諸寨斬獲
四千有奇粵西以寧公故閑於文學而遇事不動
聲色在公稍暇玩索百家之言于于然其有以自
得也後之評公者謂廉而不劌和而能粟多才而
不露其知公哉

鄭茂字士元福建莆田人嘉靖年間以河南按察

使左遷府江兵備時諸蠻作亂茂督兵進剿斬首
四百餘級諸蠻奔潰乃於六巢各置一堡設兵屯
守諸殘蠻不敢復逞先是諸猺憑陵出没伏箐勾
劫官捐冲灘魚鹽之羨餘每歲犒之使不出而肆
毒如故船非聚至百不敢發茂至卽上計督府大
集軍兵直搗其巢斬馘一千六百有奇改三崗爲
二土司屯兵扼險開仙迴馬尾二營以通永安復
修廣運足灘二堡以控府江創昭平縣治以控平
梧殘猺斂跡投欵今鹽艘不滯旅次無恐皆其績
也

徐作南昌人嘉靖

進士以副使兵備府江

時南源殘孽因碎江賊起復陰助之榕峒喇崙六
窑等巢附焉圍張村據山灣永安路絕作督參將
王承恩三道進剿斬首二千餘級復峯門寨賊守
山灣益固復命參將王瑞攻克之昭平上下四屯
巨賊黎福莊怙險爲逆又計縛之五指巖最負固
正德間三征弗克作討平之後賊相戒無犯
吳世澤字宗仁連江人嘉靖癸未進士累擢廣西
按察副使志省分飭府江廉潔精詳獨持風裁剔吏
蠹端士習復流移通商賈諸蠻賊欵府江者故多
桀鷲爲疆場患公整兵耀武嚴爲之備而以德懷
之不數月猺蠻相戒無敢犯境諸鄰尙復業者千
餘家江道肅然志舊嘉靖諸蠻賊隸府江者多桀鷲
世澤謂非創無以示威非撫無以示信文載

國朝

周令緒江南人

省志據一統志
周永緒盱眙人

丙戌年進士順治

八年以副臬分守平樂時地方初闢公撫循備至
民賴安輯臺使者交薦於朝無何僞安西李定國
犯廣西下平樂郡苦無戰守具城遂陷公不屈死
之

胡朝賓直隸鉅鹿縣人拔貢順治十七年任分巡
道平易慈惠時兵燹後加意招徠每讞訟獄得其
情實卽和顏勸導使相親睦富川猺蠹動總督屈

公率師征勦公爲監軍兵有不戢者嚴禁之丁夫輸運有道斃者公爲沿途更遞之法兵出踰年民賴以不疲

平樂府知府

漢

陳稚升東漢時爲蒼梧太守治尙清靜民化之囹圄恒空臨水釣魚以自適

喻猛和帝時爲蒼梧太守以清白爲治郡人頌曰於惟蒼梧交趾之城大漢惟宗達以仁德

陳臨字子然南海人郡舉孝廉漢永建中官至蒼梧太守推誠而理導人以孝悌民有遺腹子爲父

報怨殺人爲吏所獲臨知其無嗣令其妻侍獄中後產一男郡人歌曰蒼梧府君恩廣太能令死囚有後代建安中徵爲廷尉

吳

黃蓋南海人仕吳爲始安太守時郡治初建蓋多所規拓加以嚴飭下不容姦於時吏治最稱能理

晉

干寶字令升新蔡人寶少勤學博覽書記以才器召爲著作郎撰集晉記以家貧求補山陰令遷始安太守治尙清靜公退即務著述嘗思其友人隱者翟湯餉以俸餘勅吏云翟公廉讓致書訖即委

船還湯乃易絹物寄還寶寶益愧嘆

宋

顏延之字延年琅琊臨沂人文章卓絕當時不護細行南宋時爲員外常侍尙書令傅亮疾之出爲始安太守領軍將軍謝晦謂延之曰昔荀勗忌阮咸斥爲始平郡今鄉又爲始安可謂二始黃門郎殷景仁亦謂之曰所謂人惡俊異世疵文雅延之之郡道經潯陽日造徵士陶淵明與飲去時留錢二萬爲淵明沽酒資在始安建讀書臺於獨秀山雖歷貴仕而居貧如故

齊

裴昭明河東聞喜人齊永明三年爲始安內史郡人龔元宣謬云神人與其玉印玉版書不須筆吹紙便成字自稱龔聖人以此惑衆前後郡太守敬事之昭明付獄案罪及還甚貧武帝曰裴昭明罷郡還無宅居不知古人中誰可比之昭明歷郡皆清勤

梁

裴邃字深明河東聞喜人十歲能屬文善左氏春秋梁時歷守廬江廣陸被譖左遷始安太守曾致書呂僧珍曰昔阮咸顏延有二始之難吾才不逮古人今爲三始非其願也將如之何邃沈深有思

畧爲政寬明能得士心其勲名後著肥淮間及卒
民多流涕者

唐

敬超先昭州刺史有善政嘗分俸寄杜甫買山甫
寄高適詩序云今海內忘形故人獨漢中王瑀昭
州敬使君祀名宦祠舊志超先在天寶間爲昭州刺
史有善政嘗鑿井得泉郡人咸感其德名爲敬公

井金志

李襲志字重光金州安康人仕隋始安郡丞大業
末盜賊起襲志傾私產募士三千人乘城拒盜蕭
銑林士宏屢攻之不下聞煬帝喪與士民縞素三

平樂府志

卷十八 宦績

十二

日或說以據嶺表取百越爲尉佗計襲志不從斬
說者衆諫乃止遂固守武德初高祖賜書命其子
元嗣召之襲志乃密說嶺南首領隋永平郡守李
光度與之歸國高祖又令間使齎書諭其入屬籍
著宗正及蕭銑平授桂州總管武德五年八朝授
桂國封始安郡公前後凡任桂州二十八載政尙
清簡嶺表安之舊唐書本傳
李珣唐武宗會昌元年以仇士良譖屢貶爲昭州
刺史有善政尋遷柳州刺史許渾寄詩云恩回玉
宸人先喜道在金滕世不憂

宋

梅摯字公儀成都新繁人景祐間知昭州文章政事卓然有聲時官廣南者多憚嵐瘴不願往摯作五瘴說鑄於石曰仕有五瘴避之猶未能也急徵暴斂剝下以奉上租賦之瘴也深文不逞良惡不白刑獄之瘴也晨昏荒宴廢弛王事飲食之瘴也侵民利以實私儲貨財之瘴也盛陳姬妾以娛耳目帷箔之瘴也有一於此民得以怨之神得以怒之而後逆氣成象俾安者疾之疾者殛之以示天戒雖日在輦轂下亦不可追况荒遠乎世之仕者或不自知五瘴之過止歸咎於土瘴得不謬與

蔣允濟興安人紹興間與兄允升同登第任邵州

新化縣尋丁內艱邑人相率遮部使者願奪居喪後爲賓倅攝昭州舊官出錢一百予民輸布一疋復折布爲錢十倍之允濟疏聞竟減其半尋知潯州課居最死之日哭者罷市子礪亦以廉明稱歷官通判邕州

唐俊又興安人博通經史紹興間進士廷對以直言被黜尋起容州倅移守昭州政成入奏除知象州尋知廉州未赴攝鬱林郡克賊謝實犯隣境俊又躬率吏民禦之賊遁去秩滿遂請老凡經三郡家無贏蓄張栻帥桂時聞其居迫火急遣軍救之頃刻還白日唐大夫家止有文書衣衾數篋已他

徙矣枳深嘆其清約

和斌字勝之濮州鄆城人狄青南征使部騎兵爲前鋒斌鏖戰於歸仁舖孫節死斌引騎繞出賊後敗之仁宗拊勞倍至安南入寇復遷廣西累遷皇城使昭州刺史宋史本傳時土蠻羅世念犯宜州守將戰死斌提部騎三千進討至懷遠寨戒諸將迎敵佯退誘至平坂列八陣以待之分驍騎翼其旁身先士卒殊死戰大破之世念率蠻黨四千八百內附斌遂由榮州團練使遷西上閣門使知邕州以老請歸

柴中行字與之餘千人廣西轉運使辟爲幹官將

薦之使其客嘗中行中行正色曰身爲大帥稱人爲恩主恩相心竊耻之毋汗我攝昭州郡事蠲丁錢減苗斛賑饑民轉運司委中行代行部由桂林屬邑歷柳象賓入邕管問民疾苦先行而後聞捐鹽息以惠遠商民咸便之

鄧得遇字達夫邛州人知昭州遷廣西提點刑獄逾年攝經畧事兼知靖江府德祐元年長沙被兵得遇遣都統馬驥馬應麟赴援驥潛叛而還得遇斬之軍事悉委之應麟未幾馬墜代間議事不合二年移治蒼梧靖江破得遇朝服南望拜辭書幅紙云宋室忠臣鄧氏孝子不忍偷生寧甘溺死彭

咸故居乃吾潭府屈公子平乃吾伴侶優哉游哉
吾得其所遂投南流江而死

李椿字壽翁洛州永平人廣西提點刑獄未竟者
一以平決之釋所疑數十百人奏罷昭州金坑禁
仕者毋市南物召爲吏部郎中論廣西鹽法孝宗
是其說遂改法焉

王光祖淳熙中知昭州有德政民立生祠祀之
唐清全州人同族弟曰湘曰洪理宗朝清舉鄉薦
任靜江曹人目爲清白吏湘登丙辰科文天祥榜
進士任東安簿洪丁未科張淵微榜進士清官至
昭州守

元

余永至正間以湖廣省宣使權知平樂府先是學
宮在考槃澗西燬於兵拓拔元善攝郡監覈學租
捐俸募民新之永受規畫程功之力居多
秦仲字山甫洛陽人至元間知昭州有善政郡治
無事每游歌竹山賦詩自號歌竹山人卒於官

明

張信河南人洪武二年丞平樂政務大體時當安
輯之後屬意拊循課農桑興學校後以課最擢平
樂守政譽寬平終始如一士民稱之

陳友常丹徒人永樂間以廣東副使改平樂知府

剛果敢決持法嚴而中實平恕未嘗以毛舉鷲擊
爲能葺學宮正祀典所行多實政云
唐復字永亨毘陵人宣德初知平樂府勤恤民隱
剔刷吏弊嘗葺郡治建文廟尊經閣堂廡齋舍一
時並舉於明倫堂後建書樓繪古勤學者於四壁
以風諸生巡按御史何自學題曰昭文樓
楊剋廣東欽州人景泰庚午舉人成化間知平樂
府惠愛宜民以廉能稱尤加意學校建明賢書院
以資麗澤創東西學舍以給蒙養捐俸金造祭器
以供祀事既去士民立祠祀之

黃嵩龍溪人舉人天順間平樂知府勤於拊循猺
夷語言不能通者俾譯者諭之必達其情乃已夷
獠感服九年秩滿當道留復任三年年七十始致
仕

陳嘉言廣東東莞人成化間知平樂府有治才郡
當衝要地雜猺獞孽畫撫字悉中肯綮治行籍有
聲稱

朱允字克信號溪山景泰庚午科舉人天順癸未
連州缺守巡撫葉公請於朝願得清恕公明之士
以甦州之困部推九瓊山邱濬爲文祖餞下車行
其便於民者去其妨於民者人目爲包拯陞平樂
府知府一如在連州民頌其德致政歸里鄉之侍

郎談倫恒禮待之戒其下毋犯君地

余玉內江人由舉人宏治間知平樂府七年草寇爲患公增鑿後山爲二塹築土垣立排柵爲外衛城下闢馬路令軍士周旋巡警賊聞風不敢近鄉落有竊發者親督軍士集民兵設竒捕截累有功民賴安堵

據文
載修

謝瑚字有容海陽人宏治間進士知平樂府初郡庠在城外東澗久傾圮弗治瑚相地建造不數月告成課學撫猺境內寧謐蒞任六年陞本省叅政官泉江西安仁人進士正德間知平樂府爲政屏絕一切苛細務與民林息猺獞有不率化者繫其

酋庭誨之明示法以羈縻而已後亦鮮有爲梗者六年擢兩浙叅政

李守經汝陽人正德間舉人知平樂府以愛民禮士稱民有訟善諭遣之獄庭常空每與諸生談論經義津津不倦時論躋之

李彥字邦直豐城人進士正德間知平樂府秉性質直聽獄公平苞苴不通門清如水八年陞福建鹽運使

張元藩浙江山陰人由官生嘉靖中知平樂府時江南苦倭徵發連數省郡境猺獞竊發兵餉不支剿撫無定議元藩與僉憲茅坤謀曰今朝廷方有

東顧憂何暇及此惟公便宜除其首惡餘黨自平
坤乃定鵬剿之策賊首莫良三藍孟乾等次第就
縛閤郡晏然

羅黃裳字美至廣東高明人進士平樂知府爲人
剛果廉介警敏有才萬歷四年與府江道徐作計
擒巨魁周公樓黎福莊等諸賊定上下四屯設兵
防禦立寧化里以增國稅循良異政郡人尸祝咸
稱曰羅父云

周祈蘄州人舉於鄉以戶部郎中擢平樂知府在
任三年修舉廢墜百度維新拓府前地以廣規模
改察院門以肅憲臺建坊表修學宮搜求古蹟點

綴山川郡治蓋駸駸乎改觀矣祈素崖岸於人少
許可甲申叛卒無賴嫁禍於祈竟逮去公論寃之
鄭時章龍溪人進士萬歷中知平樂府適營兵鼓
譟之後時章下車加意撫綏省刑薄賦政尙寬大
民有寧居蒞任三年元氣稍復陞廣東海道副使
以去

黃文炳晉江人由進士以留都民部出守平樂文
炳儀度端凝治郡持大體如興學校置驛馬復餘
田民甚德之嘗手訂郡乘討論精確其留心吏治
如此官至苑馬卿

謝澤象州人舉進士初仕昭州轉知南平州事政

聲遠播治尙靖安人稱謝家二鳳

歐陽東鳳字千仞潛江人萬歷二十八年平樂知

府志金撫諭生獠皆相親如子弟因白督學監司擇

其俊秀者入學獠漸知禮讓稅使橫行東鳳力抗

之有才調常州

國朝

尹明廷吳縣人由進士順治八年知平樂府有惠

政壬辰李定國陷桂林下平樂執明廷去有惜才

意明廷不爲之用潛逸回後賊敗去巡撫陳維新

仍令爲平守明廷星夜馳至曰哀我百姓多不聊

生急來還定耳見士民貧乏者每出其貲賑恤之

平樂府志

卷十八

宦績

十九

癸巳七月定國突至復執之遂遇害

詔贈太僕卿蔭一子入監志省

王延禔直隸進士順治十六年知平樂府寬以容

人廉以律己修建府庠及北門城樓歷任九年陞

福建鹽運使

楊榮蔭字半嶠山西陽城人順治十七年任桂林

府多惠政志金康熙七年補平樂郡守負性廉介對

僚屬紳士輒以廉隅相砥礪人故不敢干以私每

訊獄戚戚累日惟抑強扶弱是任先是奸猾輩見

獠獍易啖者多借人命盜奸肆行羅織一經准理

必吞噬殆盡致獠獍激而逃竄挺而走險者成大

獄公廉得其情力杜積弊凡詞情支蔓者槩不允並判示所以不允之故一時豪健股慄囹圄自空庚戌春民多瘡疽痞腫之疫公施膏藥痊活者數萬人三權關稅正鋸之外銖黍弗取性至孝建禪寺以祈母壽凡所建置無一念不出於至誠邑人袁景星爲作傳

胡醇仁字令遠江南山陽人雍正二年任時修仁十排獐賊負固爲暴甫視事郎督師剿平之又裁所屬陋規銀二千一百三十六兩潔己率屬不手一錢在任五載勞農勸相平糶賑饑修學宮建義學重新道鄉書院延山長課士獎勵節義創平樂府志興除利弊土民愛戴爲人平易謙謹而吏治精明勇於任事循聲著嶺右六年征八達寨獍賊奉檄監紀軍務覆其巢穴染瘴卒於行營得旨着該撫將公用銀賞給一千兩付胡醇仁親屬爲伊歸櫬之費時年僅三十七未究其用士論惜之